

Zuixl Bei

Niul bbeix niul armael mel zuixl nr zza bbaexl eine bbeix a mel, armael leil fur dae lalnga, halae nixmox zzar ddarzi lei hher nr ji dae. Nael niul armael zuixl zza cexrssexl arddeirnga a mel, Arbosobo dder niul leil ssoxrsuxl, niul nixmox zzar nr seir, nr hoxr hher ji dae maelmaerjgia bei pixl gger. Niul bbeix niul armael zuixl bei nr goxr bbaexl bbeix a mel, niul dder Arbosobo leil ca furllesu ar ddei bbeix mal gger a; yar ddei ddar mel dder niul nixmox zzar hher nr ji dae a. Ha arseir Arbosobo ddei ddar no arddeirnga a mel, yar nixmox zzar dder yarzi Arbosobo leil perniar gaxzi a. Ha arseir bbeix, armael Arbosobo dax cirgo a hher dax dae bbaexl eine bbeix a mel dder Yisu bei dae mel dax bei mae dae mibbe. Eine bei a mel niul dder niul Arbosobo dax cirgo a hher dax dae saexl a. (Yuehal Sul Cir Ber 1:8-2:6)

Yel nia Arbosobo ddei ddar no nia. Neir zzirmar Sardaxl te leil dir nia. Yar leil dir a mel, yar dder pa du si var. Nia Arbosobo dax naer ssi a mel, Arbosobo dder nia dax naer lei a... (Yargel Sul 4:7-8)

Nia leil vuxryixr su neir zzirmar Sardaxl te mel, hhemar sael a bbialil-bbialor me dae a, ssicixl-ssige ca leil zo a, nia leil ke niazzir. Yel nia fadae nia, armael leil guaxr ssei xie nia! Nia lei saexl, middurbbor Seirpor Yisu leil ddarzzi su arzzi-nimar arzzi-nimo mel lei nia sael a goxr sol dae, yel nia nixmox zzar Yisu Zidu leil velver a ddarzzi doxr dae a, neir zzirmar Sardaxl te leil dir gex dae nia.

Nia cirza-hanga pex dae a nia leil sixr i dae mel mel ca mel zoxlzoxl a pex dae var halmel lar nga. Arbosobo leil mel ddarzziddo. Yar nia leil nia sseressei nr xie halmel pex dae lol nr var. Cirza-hanga halmel nia leil sixr i dae car lei, yar nia leil jjiumo ar zex mul gger var, yel nia leil sseressei xie lol. (Gelixrdo Sul Vaexr Beil Ber 10:13)

Zuixl Bei

Nia Yisu Zidu dax cir piar a bei a Arbosobo leil weix a gol dae. Nia holcir dae nia, zuixl ddei nia leil guaxr nr gex dae ho a. Yel zuixl ddei nia leil guaxr dae lol nr ddo. Nrnga a, nia dder nr seir xiar dae mel dax bei mae ssi. Nia ggecir ddei leil zuixl bei ssi lol nr ddo, seirseir mel bei ssi lol nia...Arbosobo cirza-hanga seirseir mel nia leil meixl gger a, yar nia leil guaxr dae a nga arddeir a. Yel zuixl mel nia leil guaxr dae nr cexr. (Loxrmr Sul 6:11-14)

Yisu bbeix: “Bei leixl su ca hazza lei ciryoxr a pia piulpiu hal xiux veixr nia. Ngo arsaе bei lei yar ddei mi ddei Arbosobo mi guax deix dae sul hal ber leil huax pixl gger nr var. Sul hal ber mel dder arddolcar ci a lei olga zza su ca mel ddei mi guax deix dae ber nga a. Ngo halae Ngabbor nei Ngabbor ddei tisir mel meixsaer qir leil yar mel ngo ddei ca a ssexl nia.” (Qirsixlluxl Sul 3:5)